

Unawal ja'

Ub'antajik tzij

Xurij jun q'ij jun ixoq are taq kb'in chi uwach ri juyub'. Xtuca'r rumal ri b'inem pa ri juyub' xuquje' rumal ri q'ij sib'alaj kporonik. Are taq xuna' ri q'itajem xok chech utzukuxik ja', xka'x je ri', xuli'k, xpaqi'k, xtzali'k. Man k'o ta ja' xuriqo, xaq xuwi xuto ri jalaloj ch'awem kech ri awajib'.





Xt'uyi' chuxe' jun che', k'ate kuta' jun ch'awem
kub'ij: ixoq ¿jas katzukuj? Xuxi'j rib' xa rumal man
k'o ta jun winaq chi uwach ri juyub'. ¡Man kxi'jta
awib'! chatqeb' uloq xcha chech. K'a te' xril jun
kumatz xik'ow chi uxukut ri ixoq. Xutarane'j k'a pa
jun k'wa', nojimal xsach uwach pa taq ri q'ayes.

Ri nan joror uk'u'x, xa rumal xuriqa ri joron pa ri
k'wa'. Xuqumuj jub'iq' rech, xel ri chaqij chi' che,
k'a te ri', xumaltyoxij che ri Ajaw.

Kkiko'tik tzalij pa rachoch, xuretamaj chi ri kumatz
are unawal ri loq'alaj ja'. Xuch'ob'o chi man utz ta
kekamisax ri awaj, are ktzaj ri ja' pa ri k'iche'laj.

Evelyn Adelina Marlene Mejia León de Pú
Totonicapán, Totonicapán

